

آبونه شرائطی

ممالك عثمانیه ده سنه لکی (۶۵)، الق
ایله (۳۵) غروشدور .

ممالك احصیه ده سنه لکی (۱۷)، الق
ایله (۹) قرانقدر .

اداره خانه

باب عالی جاده سنده دائرة مخصوصه

اضطارات

آبونه بدلی پشندر .

§

مسلكه موافق آثار مع الممنوتیه قبول
اولنور . درج ایله بن یازیلر اعاده
اولونماز .

الدشمالک

۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در.

اضطارات

رساله خردن آلمدیغی کو - ترمک شرطیله
بتون یازیلر هر هانکی بر خیزه طرفندن
افتباس اولونه ییلیر .

§

مکتوبلرک، امضالرک واضح و اوقوناقلی
اولمسی و آبونه صره نومروس محتوی
بولونمس لازمدر .

§

ممالك اجسییه ایچون آبونه اولانلرک
آدرس لریشک هر انسرجه ده یازلمسی رجا
اولنور .

§

پاره کوندرلدیکی، ان نه یه د ثر اولدیغیک
واضعا ییلدیلمسی رجا اولنور .

والله یمهدی من یشاء الی صراط مستقیم

صاحب و مدیر مسئول: شرف اربیب

اتبعون اهدکم سبیل الرشاد

عدد ۲۷۴

۱۱ محرم ۱۳۳۲

پنجشنبه

۲۸ تشرین ثانی ۱۳۲۹

جلد ۱۱

ایده جکمش! فقط بو قبیل مطالعات او قدر چوروك وبی اساسدرکه
آوروپا افکار عمومی سنده بیله بر طو تامة دی، عثمانلو خدمته آلمش،
عثمانلو ناظر لرینه تابع، عثمانلو ضابطانی عنوانی طاشیان بر جنرال ایله
اوتوز ضابط فصل بتون بتون بر دولتی، بر اوردوی، برملکی الله
ایده بیلرلر؟ بو سؤاله نه روسلر، نه ده فرانسلر جواب بولامزلر،
فقط اساساً بونلرک مقصدی ده برحق و حقیقتی ایلری سورده رک مدافعه
ایتمک دن عبارت دکدی؛ ممکن ایسه عثمانلو اوردوسنک امر تنظیم
واصلاحی عقیق بر اققدی! واضح و آشکار اولان شو مقصد قارشی
حکومت عثمانیه نك آلاجنی وضیعت معین ایدی: ثبات ایتمک وعزم
کوسترمک! فصل که کوستردی ده. صوک وارد اولان خبرلر روسیه
وفرانسه دولتلرینک هیئت عسکریه مسئله سی مناسبتی ایله دولت علیه
نزدنده هیچ بر تشبث رسمیه ده بولمده یققری، بویله بر تشبث فکرندن
واز جکمش اولدی ققری اخبار ایدیور.

ولایات شرقیه اصلاحاتی مناسبتی ایله موضوع مذاکره ایدلمش
اولان قونترول مسئله سی ده عینی طریق اوزرنده یو وارانوب کیتمکده در.
بو مسئله ده صویه دوشمک اوزره ر. دولت عثمانیه اصلاحات اجرایی
حقنیه پرورده ایتدیکی فکرینک جدیت و متانتی بتون عالمه اثبات
ایتدی؛ بتون مملکتده وازجه ولایات شرقیه عائد غایت واسع اصلا-
حاتی متضمن بر پروژه حاضرلادی؛ پروژه نك تطبیقی ایچون آوروپا
دولتلرینه مراجعت ایدره رک متخصصلر طلب ایله دی؛ عینی زمانده ده
ولایات مذکورده امن و آسایشی تأمین ایچون دائرة اقتدارنده بولنان
بتون وسائطه مراجعت ایله دی. طقوز بیک قدر ژاندارمه افرادی
اعزام ایدیلرک اوتهدنبری اجرای شقاوت ایدن چهلر تنکیل اولندی.
دیگر جدی، اهلینک انکشافات معنویه و مادیه سنی تأمین ایدره رک
اصلاحاتک اجراسنه کبریشمک ایچون ده اولای بیوک استقراضک عقدینه،
ثانیاً دولتلر طرفندن لازم اولان متخصصلرک کندیسنه توصیه سنه
منتظر در! بونلرده یاییلر یاییلمز همان بلا تأخیر اصلاحاتک تطبیقنه
قویولا جقدر. فقط دولت علیه غایت طبیعی و مستریخ اولارق اصلا-
حاتی کندیسنی یایمق ایسته یور. جلب ایدیلرک متخصصلری واسع
صلاحیتلر بخش ایتمکه برابر عثمانلو مأمورلری صفی ایله استخدام
ایله مک ایسته یور. حالبوکه بعض دولتلر شو مسئله دنده بزم علیهمزه
اولارق استفاده ایتک ایسته دیلر. اصلاحاتی عقامته دوچار ایتدیرمک
ایچون اصلاحاتک تطبیقی اوزرینه بر قونترول وضعی طلب ایله دیلر.
دولت علیه جه بویله بر قونتروله راضی اولمق، اتحار ایتمکدن باشقه
شی اولامزدی. قونترولی قبول ایتک، آباطولی شرقی ده بریکی روم
ایلی حاضر لاق، دائماً مداخلات اجنبیه معروض قالمق، ملک دولتی
مشکلات و نوائیل ایچنده بوغدی رتمق دیمکدی. بدیهی ایدی که دولت
عثمانیه کندی میل و رضایی ایله بوکلی اتحاره هیچ بر زمان راضی
اولامزدی. بناء علیه اصلاحاتک کندی طرفندن اجراسنه، حتی
آوروپادن بونک ایچون لازم اولان متخصصلری جلب ایتمکه مهیا اولمقله

بوعالی وظیفه یی ایفا ایدنلرک حیات خصوصیه لری شائبه دار اولمازسه
وحضرت عیسی نك او امرینه تسعیت ایدر، اونک خط حرکتی تعقیب
ایدلرله آبی بر نتیجه استحصال ایدرلر، عکس تقدیرده کلیسانک
علیه نه چالشمش اولورلر. حکومت بالخاصه شمدی تراکیاده بومیسونلرک
حرکاتنه مانع اولارق خرسیتانی دوجار استهزا اولمقدن قورتارمیلدر.

سیاست

اجمال سیاسی

دولت علیه خدمته جلب ایدیلن آلمان هیئت عسکریه سی مسئله سی
افکار عمومی و مطبوعاتی اشغال ایتمکه بردوام ایسه ده؛ اسکی اهمیتنی،
حرارتی غائب ایتدی. هرشیدن علیهمزده استفاده ایتک حاضر لغنده
بولنان روسیه حکومتی شو مسئله یی الله طولاشدیرمق و اطرافنده
کورولتورلر یایمق ایسته دی. بر ایکی هفتقه ظرفنده روس و روسلرک
بیکی اولان فرانسلر مطبوعاتنده مناقشه لر. حرارتی مقاله لر دوام
ایتدی. بونلر آلمانلرک جنبی عادتاً دولت علیه نك زمام مقدراتی
آلمان الله تسلیم ایتک صورتنده تلقی ایتک ایسته دیلر، مسئله یی ده
آوروپا افکار عمومی سنه بویله جه وضع ایله مک فکرنده بولندیلر. فقط
یایمه دیلر: انکتره شو کورولتورله اصلا قارشیمه دی؛ تماماً بیکانه
قالدی. آلمانیا، اوستریا، ایتالیا مطبوعاتی ایسه مسئله یی اولدینی کبی
کوستره رک آوروپا افکار عمومی سنی بوکره اولسون اغفال ایدلمه مسنه
چالشدیلر. بالاخره روس و فرانسلرله کورولتورلر اصلا برشی
چیقامیه جغنی، نه دولت علیه نك نه ده آلمانیا نك قرارلرندن مطبوعات دیدی
قودیلری ایله رجعت ایتیه جکقری آکلایه رق کندیلری رجعته باشلا-
دیلر. فی الحقیقه مسئله ده روس و فرانسلر منافعی اخلاص ایدره رک
هیچ بر نقطه یوقدی. فلاکتی بر محاربه دن صوکره دولت علیه نك
کندی قوای بریه و بحریه سنی احیا و تنظیمنه چالشمه سی غایت طبیعی
بر وظیفه در. بونک ایچون حکومت عثمانیه انکتره دن بحری ضابطان
جلب ایتدیکی کبی، آلمانیا دنده بری ضابطان جلب ایتمکده در. دولت
عثمانیه تا اوتهدنبری بو طریق اوزرینه حرکت ایتیورمیدی؟ دولت
مشارالیهانک شو حقنی انکار ایدره رک قدر حق ناشناسلق کوسترن
شمدی یه قدر اولدیمی؟ نه دن بودفمه بونجه کورولتورلر ایقاع ایدیلور؟
اوت، بوکره جلب ایدیلن ضابطانه دها واسع صلاحیتلر بخش اولنیور؛
هیئت عسکریه رئیس جنرال لیمان فون ساندرس استانبول قول اوردو
قوماندانی تعیین ایدیلرک، کندیسنی ایله کله جک یکر می ضابطان ده
فعلاً عثمانلو اوردوسنده استخدام اولنه جقدر؛ ایشه روسلر و فرانسلر-
لرده اصل تهلیکی بو نقطه ده بولمق ایسته یورلردی؛ بر قول اوردو
قومانداننک آلمان اوله سی کویا عثمانلو اوردوسنی فعلاً آلمان یدینه
تسلیم ایتک ایش؛ آلمانلر بوغازلره، ممالک عثمانیه حاکم اولاجقلر-
مش؛ بو ایسه روسیه یی و طولایمی ایله فرانسه یی ده تهلیکیه القا

لبنانلیرک اوتیه بری نمایشکارانه وضعیتلری ، بطریقک ، بعض کنجملک ، بعض غزتهلرک معنیدار نطقلری ، مقالهلری ، یاقیشق آلیه جق بر صورتده اجرا ایتدکلری حرکتلری تقبیح ایدیور . بالخاصه لبنان رؤسای روحانیه سندن بریسنک فرانسز دوناماسنی زیارتی ائساننده آمیرالک اظهار سروری حاوی ریاکارانه ایراد ایتدیکی نطقه قارشى رئیس روحانیئک : « بلااستئنا بوتون سوریه لیلر فرانسه نی سومک خصوصنده متفقدلر ...! » فقره سی البلاغ طرفندن شدتله ردایدیلور ، دینیایورکه : « بوسوزلری سویله یین قطعاً یالانجیدر . چونکه سوریه قطعه سنده اکثریت مطلقه یی حائز اولان مسلمانلرک مراکش ، تونس ، جزائرده کی دین قارده شلرینه اجرای ظلم ایدن فرانسز لری سه و مه لرینه امکان یوقدر . » بو حاللر دوام ایدوب دوررکن ، فرانسز لرمرا کشته ، جزائرده ، وادایده بیکلرجه مسلمان قارداشلریمزى بغیر حق بوغازلارکن یالکز سوریه لیلرک دکل ، هیچ برمسلمانک فرانسز لری سه و مه ک حقلری یوقدر . بوکون دولت علیه فرانسه ی دوست کوره بیلر ؛ بلکه ده بو سیاست اقتضاسیدر . سیاستک برچوق شیلری تجویز ایتدیکی معلومدر . فقط محبت باشقه برشی در . بو او یله قولای قولای حاصل اوله ماز . مسلمانلر یك وجوددرلر ؛ آنکچون اعضاسندن بریسی آز چوق آخری حس ایدرسه همان بوتون اعضاسنه سرایت ایدر ، هپسی متأثر اولورلر . بوکون تونسده کی ، جزائرده کی ، مراکشده کی ، وادایده کی قارداشلریمزى قانلی ظلملر آلتنده ایکله مه سی ، حجازلی ، عراقلی ، سوریه لی ، تورکستانلی ، عرب وعجم بلااستئنا بوتون مسلمان قارده شلرک درین تأثرلرینه سببیت ویرمکده در . اینجه برحساسیت ابرازی خصوصنده یك مستئنا برقابلیت کوسترن مسلمانلرک فرانسز لری سه و مه مک خصوصنده کی اصرارلرینه کیم نه دیه بیلر . سوریه لیلرده داخل اولدینی حالده بوتون مسلمانلرک بو خصوصده نقدر حقل اولدقلری بالذات فرانسز لر کندی لری ده تسلیم ایتمکده کچیکمز لرن ظن ایدرز . »

شهره یون

حجاز :

مجاج کرام قرائتینه تابع طوبیله مقدر! — جده ده برقاج حاجینک شبهه لی اعراض کوسترن خسته لقه طوتیلش اوله لری دائره امور صحیه جه استخبار ایدیلش اولدیفندن بوسنه مک حاجیلرنده بولاشیق خسته لق بولندینی نتیجه سته کیدیلشدر . آنکچون بوسنه مجاج کرام قرائتینه تابع طوبیله جق ، ایجاب ایدن محفلرده تحت مراقبه ده بولندیریله جقلردر !

قرائتینه لر مجلسنک بوقراری ، بعض عربجه منتشر اسلام غزته لرینک اعتراضه هدف اولدی . حجه کیدوبده کوچوک بروسيله بوله رق طور سیناده قرائتینه بهانه سیله هفته لرحه حبس ایدیلن ، مسلمانلر حیوان نظریله باقان انکیزلر طرفندن ظلم ایدیلن ، صیولان ، حقارت کورن بعض اختیار حاجی بالارکده اعتراضلری اکسینک اولدی . خلاصه دنیه بیلرکه بوجه بالا شرائط داخنده جریان ایدن بوقرار یالکز عربلر ، مصریلر آراسنده دکل ، عمومیت اعتباریله اسلام محافلنده حسن تلقیه مظهر اوله مامشدر .

برابر هر نوع قوتترولی رد ایلهمک مجبوریتنده ایدی . دول معظمه دن بر چوقلری ده دولت علیه مک مسئله ده حقل اولدیفنی اعترافده کوچلک چکمه دیلر . حکومت عثمانیه مک اصلاحات حقنده پرورده ایتدیکی افکارک صمیمیتنه اینانماق قابل دکلدی . ایشه برچوق قیل و قاللردن صوکره اصلاحات مسئله سنده ده دولتلرک مداخله وقوتترول فکرندن واز چکمک اوزره بولندیقلری صوکره خبرلر تبلیغ ایدیورلر .

آلمان برنسلرندن وید جنابلرینک آرناوودلق قرائتینه دل معظمه جه تعیین ایدلیدیکی کسب حقیقت ایدیور . آلمانیا ایمراطوری مشارالیه بیوک دولتلرک قرائتی رسماً تبلیغ ایلهمشدر . یکی تاجدار بو کونلرده آولونیایه طوغرو عزیمت ایلهمجکدر . مذکور شهرده کندیسنه ملاقی اولارق آرناوودلقه قدر تشییع ایتک اوزره سابق عثمانلو صدر اعظمی و عثمانلو مجلس اعیان رئیس فرید پاشانک برادری ثریا بک منتظر بولنیورمش . اسلامیت ایچون نقدر فجیع برلوحه ! اقوام اسلامیه مک تنزل ایتش اولدیقلری اخلاقی انحطاطک درکه پستیسنی بولوحه یك یك اعلا ارانه ایدیور . دنیا ده برملک و دولت یوقدرکه باشنده بولنان حکمدار اکثریت اهلینک دینندن غریسنه منسوب بولنسون . فقط اسلامیت ایچون بوده اولدی . اهلینک اکثریت عظیمه سی اسلام اولان آرناوودلقک باشنه بر خرستیان حکمدار کچدی . وقتی ایله یونانستانه و بلغارستانه تعیین ایدلش اولان پروتستان و قاتولیک برنسلر بالاخره مذهب لری دکیشدیره رک اورتودوقس اولمق مجبوریتنده قالدیلر . حالبوکه آرناوودلقده حکمدار ایله اکثریت اهالی آراسنده اختلاف ، مذهبی دکل ، دینی در ! قرال ویدک هیچ بر زمان ، هیچ بوجه ایله اسلامیتی قبول ایتیه جکی ده بدیه یاندندر . بناء علیه آرناوودلقده اسلامیتک عظیم بر تهلکه قارشیسنده بولندینی آشکاردر . اسلام اهلینک شو تهلکه یه قارشى نه کبی بروصیت آلاجنی بالاخره تعیین ایدر .

فرانسده غیر منتظر بر زمانده وقوعه کلش اولان بحران وکلا دوام ایده کلمکده در . هیئت وکلا تشکیلی ایله موظف اولان برقاج رجال دولت تشبثلرنده موفق اولامادیلر . بووظیفه شمیدیه رادیقال سوسیال لیستردن عدایدیلن دومه رنک اوزرینه تحمیل ایدلشدر .

احمد اغایف

طوبیله یات

این نحن ؟

الاسلام غریب فی بومه

البلاغ جریده محترمه سی بو عنوان ایله نشر ایتدیکی بر مقاله ده فرانسز دوناماسنک بیروت ولبنان صولرینه کلش اولمسی مناسبتیه